



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDXXI.

urn:nbn:de:hbz:466:1-42840

I

ANNALES MARIANI SOCIETATIS IESV.

*Et ex illis collecta MARIAM Deiparam varie
percolendi artes, atque industria.*

ANNO MDXXI.

S PATER IGNATIVS Societatis IESV proau-
tor, hoc anno 1521. à felici illo in
Pampelona tuenda vulnere æger, otij
tædium vt falleret, vitam CHRISTI,
MARIE Virginis Deiparæ, ac Sanctorum legebat in-
tentiùs: & postea sensim robustior, aggressus est ea
quibus inter legendum quàm maxime capiebatur,
in libro in quartam maioris folij partem concinna-
to, eleganti in charta, caractere nobili, & accura-
to conscribere: ijs quæ de CHRISTO, de Virgine,
Matre, deque sanctis adnotarat se ad 300. eius libri
folia porrigentibus. CHRISTI acta colore rubro, vino
& accenso, vel etiam auro; Deipara verò Matris exem-
pla colore cyaneo, puniceo, seu caruleo, adnotabat: alio,
ac vario colore Sanctorum, decora excerpebat: ora-
tione, ac lectione alternis persapienter omnia occupa-
pante. Quisquis in tenerrimo, ætatemque laturo er-
ga Deiparam cultu, erga Matrem amore Patrem,
Ignatium imitari cupit, pro primis felicissimæ artis

Ars prima 8

Concinna-
re libe-
lū pro ad-
uersarijs
MARIÆ
NIS.

▲

ele-

elementis hoc agere incipiat, Spiritus sancti ope
 impensè imploratâ, vt delecto ad id libello inscri-
 bat ea quæ Deiparæ colendæ, ac imitandæ accomo-
 data legit, vel audit; selectis ijs quæ sunt solidiora
 pro nostro, vel etiam aliorum vsu. Sic libellus ille
 destinatus artibus MARIANIS, velut imago, seu Gazo-
 phylacium DEI Matris. Sic facilius quilibet colore
 cælesti MARIÆ imaginem in mente sua *pinget eter-
 nitati*. *Sit vobis* (ait ad nos omnes MARIÆ studio-
 sos scribens Ambrosius de Virginitate) *sit vobis, tan-
 quam in imagine, descripta virginitas, vitæque B. MARIÆ,
 Virginis: de qua, velut in speculo, resulget species casti-
 tatis, & forma virtutis*. Prouidendum hac arte, ne
 obliuione obrundatur in nobis cultus B.V. Quanta
 legimus de augustissimâ hac Virgine? Ecquid pro-
 hibet, quin adnotemus id quod scintillæ instar esse
 nobis potest ad cultum, ad colloquia, ad imitatio-
 nem? Hæc iuit Ignatius: & quidem inter prima
 suæ aduersus MARIAM pietatis rudimenta hoc illi
 primum fuit. Sic tibi quoque modicis licet, frequen-
 tibus tamen accessionibus, crescet *Gazophylacium
 Marianum*, qui libello tuo titulus esse poterit, si ita
 velis. Ita Rationarium imperij, seu arcanum libel-
 lum à se conscriptum secum gestabat Augustus; fa-
 ciuntque idem alij ad rerum gestarum vel gerenda-
 rum rationes in aduersarijs breuiter adnotandas.
 Ipsa, inter elogia MARIANA à Patribus dicitur *liber
 verè viuus, liber nouus, obsignatus, liber diuinæ mundi-
 ciæ*. Sic eris Rationarius MARIANVS: & valebit is
 commentarius ad memoriam, & ad notandâ ea quæ
 cultui ac imitationi Deiparæ possunt esse idonea;
 vt sit stimulator, & concitator nostræ industriæ.

lib. 2.

Suet.
6, 28.

2 Eodem anno 1521. S.P. Ignatius nocte intem-
 pestâ se in terram, & preces è lecto dedit prostratus.

coram cælestis Matris effigie; supplexque postulavit, ut sibi ad Filium adreptanti, ad eius famulatum aditus per illam aperiretur, seruo ad Filium. Cùm ergò se in MARIA, velut in ara pura, & altari misericordiæ, in sacrificium & holocaustum offerret; sub Ignatio, ita vexillo DEI, & famulatu se sacrificante per DEI Matrem, terra & muri circum à fundamentis, non sinè fragore, contremuere. Nulla hora est importuna ad adeundam DEI Matrem: & per hoc terretur dæmon. Nam ut in vita, & oraçulis suis in fine, loquitur S. Franciscus: *cùm dico Ave MARIA celi rident, Angeli gaudent, mundus exultat, infernus contremiscit.* Isidorus Thessal. Archiep. B. Virginis ex hac vita discessu instante, *Quatiebatur, inquit, domus: & domus tota contremuit.* Benè Ignatio ad pedes Virginis prostrato socium, te adiunges, corde certè si non genu, si noctu somno ipso ab oculis fugiente, veluti pro monitore vtaris, ut ad MARIAM pulchram ut lunam æterni solis Matrem euigilans, te, somnum tuum, & omnia, illi, & per illam DEO, impensè des, & persanctè sacrifices, ab illa, & per illam illuminatè victurus, seu lumen accepturus contra timores nocturnos, & exteriores tenebras noctis æternæ.

3 Anno 1521, sub ipsa nouarum animi conceptionum, deliberationumque initia Ignatio IESVS in MARIAE sinu infans adfuit. Quo cælesti aspectu diutiùs perdurante, vberrimo hausto solatio, tantà vitæ vniuersæ, ac rerum præsertim sequiora phantasmata obiectantium, nausèa, odio, tædioque est captus Ignatius, ut purissimus ille IESV & MARIAE aspectus totum Ignatij animum ab id genus cogitationum illecebris, ac spectris immunem indemnemque reddiderit; Matre suâ illi datâ in cyno-

Etiam noctu se Deo dedicare per B. V.

Orat. 4.

Somnus ab oculis fugiens sic monitor huius indæstric.

Cogitationibus suis Iesum, & Mariam præficere.

furam fluctuantium cogitationum. Diu verò, ac multum Ignatio se, ac Filium spectandum tunc exhibuit Mater: vt hoc illi cogitationum ceu thema daret, atque imprimeret. Quo factò, ita omnia vetera ab Ignatij mente absterfit Virgo, vt in corde Ignatij, velut in dedicato sibi altari, IESVM statuens, nullam istic postea alienam imaginem vquam comparere voluerit sæpè implorata fida illa mentis custos, & sapiùs postea Ignatium interuisens MARIA. Nam, vt ibid. ait S. Franciscus; *sicut cera fluit à facie ignis, & puluis ante faciem venti dispergitur; sic ad inuocationem nominis MARIE totus lignorum spirituum exercitus separatur.* Iuuabit in genus turbamentis ad B. Virginem; & simul ad S. P. Ignatium sese recipere; vt ille ab illa tunc adiutus, nunc adiuuet nos cum illa; doceatque nos ad illam ita vt ille confugit, confugere, vt iuuemur, & cum lucri accessione vincamus.

ANNO MDXXII.

4 Ad Aranzazuanam Deiparam, & deinde ad Serrati montis sanctuarium tendens S. P. Ignatius, à primo Loiolâ digressu, nocte quauis inclementer sese diuerberabat: sic se, tanquam malum hæctenus MARIE seruulum, castigans, & in nouam eiusdem suæ post DEVM seruatricis seruitutem redigens; ac sic etiam de se, MARIE seruo, factis ipsis interpretatus illud: *Disciplina, & opus seruo.*

5 Non inusitatum, neque tamen omnibus suadendum, est vigiliarum MARIANARVM nomen, cum in templo, aut oratorio quopiam celebriore inter preces coram Deipara vigiles pernoctant MARIANI. Loiolâ Onnatam vsque mulâ vectus Ignatius, comiti suo fratri germano persuasit, vt vnà *vigiliam vnã* (vt isthic vocant) in celebri Aranzazuanæ Dei-

Cogitatio.
nū aesti-
rum fontes
Iesu, & Ma-
rie, dedi-
care.

Peregrina-
tionem cum
mortifica-
tione ob-
ire.

Eccli. 33.

25.
Fratri per-
suadet vi-
giliae Ma-
rianas.

Noctes Ma-
rianas.